

Christliche Tauffpredigt.

Der Glaub im Geist die Krafft versteht/ Des Blutes Jesu Christi.

Nun genug zur Tauffpredigt/ von der Historien
der Tauff vnseres HERRN vnd Heylands Jesu Christi.
Erstlich/ mit was Umstenden sie vns vom Evangelisten
Matthæo beschrieben worden. Zum Andern / Was für
Wunder sich darbey haben begeben vnd zugetragen.

Nun wenden wir vns im Namen Gottes vnd der H.
Dreyfaltigkeit zu dem Werck/ darzu wir dißmal hieher
auff diesen KirchSaal zusammen kommen seyn: Zu einer
Christlichen Tauffe vnd Göttlichen Bundeshandlung/
oder hohen geistlichen Verlöbnuß/ so zwischen der heil-
gen Dreyfaltigkeit/ vnd einen jungen Adelichen Kind sol
fürgenommen vnd geschlossen werden. Vnd zwar wird die
heilige Dreyfaltigkeit selbst bey diesen hohen Werck
zugegen seyn/ Gott der Vater/ Gott der Sohn/ vnd Gott
der heilige Geist/ der Himmel wird sich auffthun/ der hei-
lige Geist wird auff diß Adelige Kind herab fahren/ der
Sohn Gottes wird es durch diß Wasserbad heiligen vnd
reinigen/ Gott der Vater wird es zu seiner Liebe vnd
Lochter auff vnd annehmen/ ihren Namen in das Buch
des Lebens einschreiben/ daraus es auch nimmermehr sol
geleschet werden. Wil derwegen vns gebühren/ daß wir
auff vnser seyten das vnser auch thun/ vnd vns so verhal-
ten vnd erzeigen/ wie sich in so grossen hohen Werck/ vnd
in gegenwart solcher hohen Personen/ der heiligen Drey-
faltigkeit gehöret vnd gebüret / Vnd damit solches desto

S iij

andäch-

Transitio
ad actum
Baptismi.